

Малое повечерие

Старший: Молитвами святых отец наших, Господи, Иисусе Христе, Сыне Божий, помилуй нас.¹

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Приидите, поклонимся Цареве нашему Богу.

Приидите, поклонимся и припадем Христу, Цареве нашему Богу.

Приидите, поклонимся и припадем Самому Христу, Цареве и Богу нашему.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю и грех мой предо мною есть выну. Тебе Единому согреших, и лукавая пред Тобою сотворих; яко да оправдишися во словесех Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеша, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Псалом 69:

Боже, в помощь мою вонми, Господи, помощи ми потщися. Да постыдятся и посрамятся ищущии душу мою, да возвратятся вспять и постыдятся хотящии ми злая. Да возвратятся абие стыдящися глаголющии ми: благоже, благоже. Да возрадуются и возвеселятся о Тебе вси ищущии Тебе, Боже, и да глаголют выну, да возвеличится Господь, любящии спасение Твое. Аз же нищ есмь и убог, Боже, помози ми; Помощник мой и Избавитель мой еси Ты, Господи, не закосни.

Псалом 142:

Господи, услыши молитву мою, внуши моление мое во истине Твоей, услыши мя в правде Твоей; И не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятется сердце мое. Помянух дни древния, поучихся во всех делех Твоих, в творениих руку Твоею поучахся. Воздех к Тебе руке мои, душа моя яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне Господи путь, вонже пойду, яко к Тебе взях душу мою. Изми мя от

враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи, Царю небесный. Боже Отче Вседержителю, Господи Сыне Единородный, Иисусе Христе, и Святыи Душе. Господи Боже, Агнче Божий, Сыне Отець, Воземляй грех мiра, помилуй нас, Воземляй грехи мiра, приими молитву нашу: Сядяи одесную Отца, помилуй нас. Яко Ты еси Един Свят, Ты еси Един Господь, Иисус Христос, в славу Бога Отца, аминь.

На всяку ночь благословлю Тя, и восхваляю имя Твое во веки, и в век века. Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробави милость Твою ведущим Тя.

Сподоби, Господи, в ночь сию без греха сохранитися нам. Благословен еси, Господи, Боже отец наших, и хвально, и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоим.

Господи, милость Твоя во век, дел руку Твоею не презри. Тебе подобает хвала. Тебе подобает пение, Тебе слава подобает, Отцу и Сыну и Святому Духу, ныне и присно и во веки веков, аминь.

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и сядяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую,

Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

КАНОН:

ПЕСНЬ 1:

КАНОН ВОСКРЕСНЫЙ, ГЛАС 8:

Хор:

Ирмос: Колесницегонителя фараоня погрузи/ чудотвори
иногда/ Моисейский жезл, крестообразно поразив,/ и
разделив море,/ Израиля же беглеца, пешеходца спасе,/
песнь Бóгови воспевающа.

Припев: Слава, Господи, Святому Воскресению Твоему.

Тропарь: Всесильну Христову Божеству како не дивимся;/ от
страстей убо всем верным, безстрастие и нетление точащу,/ от
ребра же Святаго источник бессмертия искапающе,/
и Живот из гроба Присносущный.

Припев: Слава, Господи, Святому Воскресению Твоему.

Тропарь: Яко благолепен женам Ангел ныне явился,/ светлыя нося
образы естественныя невестественныя чистоты,/
зраком же возвещая свет воскресения, зовый: воскресе Господь.

Припев: Пресвятая Богородице, спаси нас.

Богородичен: Преславная возглаголашася о Тебе в родех родов,/ Бога
Слова во чреве вмещающая,/ чиста же пребывши Богородице
Марие.// Темже Ты вси почитаем, сущее по Бóзе заступление
наше.

КАНОН ПРАЗДНИКА, ГЛАС 4:

Припев: Слава Тебе, Бóже наш, слава Тебе.

Тропарь: Глаголы животныя другом Христос/ и о Божественном
наказуя Царствию, рече:/ во Мне Отца познайте;/ Светом яко
облистая неприступным, в радости поюще:/ поим Бóгу
нашему, яко прославися. *(Дважды)*

Припев: Слава Тебе, Бóже наш, слава Тебе.

Тропарь: Силою язык облечётеся, друзи ученицы, / чудни же будете в богатстве их, яко славы наполнитесь, / яко явлюся светлее солнца, облистая в радости поющих: / поим Богу нашему, яко прославися.

Припев: Слава Тебе, Боже наш, слава Тебе.

Тропарь: Днесь Христос, на горе Фаворстей просияв ясно Божественною зарею, / якоже обещася, учеником обнажи зрак, / светоносный же наполнившись Божественныя зари, в радости пояху: / поим Богу нашему, яко прославися.

Канон апостола Матфея, глас 8:

Припев: Святыи апостоле Матфею, моли Бога о нас.

Тропарь: Песньми твоё светносное поющу, Матфею, ныне торжество, / с Небес ми зарю спасения дати молися. *(Дважды)*

Припев: Святыи апостоле Матфею, моли Бога о нас.

Тропарь: Велие солнце явился еси Света Великаго, досточудне, / с нами бо бывшу, беседовал еси, неходатайственне, апостоле. *(Дважды)*

Слава Отцу и Сыну и Святому Духу.

Тропарь: Законом Владыки, блаженне, повинуйся, / мрежею уловляеши твоего языка из глубины неведения концы.

И ныне и присно и во веки веков, аминь.

Богородичен: Всего мя спасает Слово Пребоженное благодистию, / восхотев из утробы Твоея воплотитися, / Чистая Мати Дево.

Катавасия праздника, глас 4:

Хор: Лицы израильстии, / невлажными стопами / понт Чермный и влажную глубину прогнавше, / всадники тристаты враги видяще в ней погружены, / с веселием пояху: // поим Богу нашему, яко прославися.

Песнь 3:

Канон воскресный, глас 8:

Хор:

Ирмос: Утверждей в начале Небес разумом, / и землю на водах

**основа́вый,/ на ка́мени мя, Христе́, за́поведей Твои́х
утверди́,/ я́ко несть свят, па́че Тебе́// Еди́не
Человеколю́бче.**

Припев: Сла́ва, Го́споди, свято́му Воскресе́нию Твоему́.

**Тропарь: Осу́жде́на б́ывша Ада́ма вкуше́нием греха́,/ плóти Твоея́
спаси́тельною стра́стию оправда́л еси́, Христе́:// Сам бо
непови́нен сме́ртнаго иску́са был еси́, Безгре́шне.**

Припев: Сла́ва, Го́споди, свято́му Воскресе́нию Твоему́.

**Тропарь: Воскресе́ния свет возсия́/ сущим во тьме, и сени́ сме́ртней
седа́ющим,/ Бог мой Иису́с,/ и Свои́м Божество́м крѣпкаго
связа́в,// сегó сосу́ды расхи́тил есть.**

Припев: Пресвята́я Богоро́дице, спаси́ нас.

**Богородичен: Херув́имов и сераф́имов превы́шши яви́лася еси́,
Богоро́дице:/ Ты бо Еди́на прия́ла еси́ Невместы́мага Бо́га в
Твоём чре́ве, Нескве́рная:// те́мже Тя ве́рнии вси пе́сньми,
Чи́стая, ублажа́ем.**

КАНО́Н ПРАЗДНИКА, ГЛАС 4:

Припев: Сла́ва Тебе́, Бо́же наш, сла́ва Тебе.

**Тропарь: Во все́го Ада́ма облѣкся, Христе́,/ очерне́вшее, измени́в,
просвети́л еси́ дре́вле естество́/ и измене́нием зра́ка Твоего́
богосодѣлал еси́. *(Два́жды)***

Припев: Сла́ва Тебе́, Бо́же наш, сла́ва Тебе.

**Тропарь: Столпо́м огнезра́чным и о́блаком дре́вле/ И́же в пусты́ни
Изра́иля ве́дый,/ днесь на горе́ Фаво́рстей неизрече́нно во све́те
Христос просия́. *(Два́жды)***

КАНО́Н АПО́СТОЛА МАТФ́ИЯ, ГЛАС 8:

Припев: Святы́й апо́столе Матфе́е, моли́ Бо́га о нас.

**Тропарь: Возмо́гл еси́, укрепля́емь живонача́льным, му́дре,
манове́нием,/ крѣпкаго коры́сти восхи́тити и порабо́тити
благодáтнюю. *(Два́жды)***

Припев: Святы́й апо́столе Матфе́е, моли́ Бо́га о нас.

Тропарь: Любя́ Учи́теля,/ служа́ то́го манове́нием вседе́йственным,/

от прѣлести спасаеши человеки, досточудне. *(Дважды)*

Сла́ва Отцу́ и Сы́ну и Свято́му Ду́ху.

Тропарь: Ты двенадсятному числу́ ученико́в ли́ка свята́го,/ вседе́йственный Ду́х исполня́юща, Богоглаго́ливе, избира́ет.

И ны́не и прѣсно и во ве́ки веко́в, ами́нь.

Богородичен: Имя́ Тя по́мощь,/ злых враго́в стремле́ния, Чи́стая, не ужа́саюся,/ имя́ Тя Предста́тельница, тех побежда́ю полки́.

КАТАВА́СИЯ ПРА́ЗДНИКА, ГЛАС 4:

Хор: Лук си́льных изнемо́же,/ и немо́ществу́ющи препоя́саша си́лою, // сегó ра́ди утверди́ся в Го́споде се́рдце мое.

Хор: Го́споди, поми́луй. *Трижды*

Чтец: Сла́ва Отцу́ и Сы́ну и Свято́му Ду́ху **И** ны́не и прѣсно и во ве́ки веко́в, ами́нь.

Хор: Ами́нь

КОНДА́К ПРЕОБРАЖЕ́НИЯ, ГЛАС 7:

На горé преобразы́лся еси́,/ и я́коже вмеща́ху ученицы́ Твои́,/ сла́ву Твою́, Христе́ Бо́же, видеша,/ да егда́ Тя узрят распина́ема,/ страда́ние у́бо уразуме́ют во́льное,/ ми́рови же пропове́дят, // я́ко Ты еси́ вои́стинну О́тчее сия́ние.

Икос:

Воста́ните, лени́вии, и́же всегда́ ни́зу поникшии в зе́млю ду́ши моея́ по́мыслы,/ возми́теся и возвы́ситесь на высоту́ Божественнаго восхожде́ния./ Притеце́м к Петро́у и к Зеведе́евым/ и вку́пе со о́ними Фаво́рскую го́ру дости́гнем,/ да ви́дим с ни́ми сла́ву Бо́га на́шего, глас же услы́шим, // егóже свѣ́ше слы́шаша и пропове́даша О́тчее сия́ние.

КОНДА́К АПО́СТОЛА МАТФѢ́Я, ГЛАС 4, ПОДО́БЕН, «ЯВИ́ЛСЯ ЕСИ́ ДНЕСЬ...»:

Светоза́рное, я́ко со́лнце, во весь мир изше́дшее веще́ание твоё/ просвещает язы́ческую Це́рковь благода́тию, // чудонóсче Матфе́е апóстоле.

Икос:

Струю сло́ва пода́ждь ми, Го́споди, водно́е естество́ содея́вый,/ и се́рдце моё укрепí, Благоутро́бне,/ и́же зе́млю утверди́вый сло́вом Твои́м,/ и просветí моё помышле́ние, све́том, я́ко ризо́ю, одева́йся,/ да глаго́лю и пою́ подобна́:// досто́йно почести́, Многоми́лостиве, Твоего́ Матфе́я апосто́ла.

СЕДА́ЛЕН АПО́СТОЛА, ГЛАС 8, ПОДО́БЕН: «ПРЕМУ́ДРОСТИ...»:

Мо́лниями твои́х сло́вес Божество́нных/ попалíл еси́ прелесть лука́вую, ве́рныя просветíл еси́,/ воспевáти е́же во плóти пришество́вие, блаже́нне, все́ми Влады́чествующа́го,/ и того́ стра́сти Божество́нной поревновáл еси́./ Отонудуже соше́дшеся, святу́ю твою́ па́мьть соверша́ем, веселя́щеся,/ и согласно́ вопие́м ти:/ Матфе́е апосто́ле, моли́ Христа́ Бо́га согреше́ний оставле́ние дарова́ти// чтущим любóвию святу́ю па́мьть твою́.

Сла́ва Отцу́, и Сы́ну, и Свято́му Ду́ху и ны́не и при́сно и во ве́ки веко́в, ами́нь.

СЕДА́ЛЕН ПРАЗДНИКА, ГЛАС 8, ПОДО́БЕН: «ПОВЕЛÉННОЕ...»:

Сокрове́нную мо́лнию под плóтию существа́ Твоего́, Христé,/ и Божество́ннаго благоле́пия на святе́й показáл еси́ горе́, Благоде́телю,/ просия́в сущим с Тобо́ю ученико́м,/ и, разуме́вше нестерпи́му сущу́ сла́ву Твою́, – Свят еси́, – возопи́ша,// я́ко, непристу́пен Сый, ви́ден был еси́ плóтию ми́рови, Еди́не Человеколю́бче.

ПЕСНЬ 4:

КАНОН ВОСКРЕ́СНЫЙ, ГЛАС 8:

Хор:

Ирмос: Ты́ моя́ кре́пость Го́споди,/ Ты́ моя́ и си́ла,/ Ты́ мой Бог, Ты́ моё ра́дование,/ не оста́вь не́дра О́тча,/ и на́шу нищету́ посети́в./ Тем с проро́ком Авваку́мом зову́ Ти:// си́ле Твое́й сла́ва, Человеколю́бче.

Припев: Сла́ва, Го́споди, свято́му Воскресе́нию Твоему́.

Тропарь: Ты врага́ суща́ мя зело́ возлюбил еси́:/ Ты истоща́нием стра́нным соше́л еси́ на зе́млю, Благоутро́бне Спа́се,/ последня́го моего́ досаждéния не отвéргся,/ и пребыв на высотé пречисты́я Твоея́ сла́вы,// прэ́жде безчэ́ствованнаго просла́вил еси́.

Припев: **Сла́ва, Го́споди, свято́му Воскресéнию Твоему́.**

Тропарь: Кто зря, Влады́ко, ны́не не ужаса́ется,/ стра́стию смерть разруша́ему;/ Крестом бежа́щее тлéние,/ и сме́ртию ад богáтства истоща́аемый,/ Божéственною сýлою Тебé распя́таго;// чу́дно дéло, Человеколю́бче!

Припев: **Пресвятáя Богорóдице, спаси́ нас.**

Богородичен: Ты véрным похвалá еси́, Безневéстная, Ты Предстáтельница,/ Ты и прибéжище христиáн, стена́ и пристáнище:/ к Сы́ну бо Твоему́ мольбы́ но́сиши, Всенепорóчная, и спаса́еши от бед,// véрою и любóвию Богорóдицу Чýстую Тебé зна́ющих.

КАНО́Н ПРАЗДНИКА, ГЛАС 4:

Припев: **Сла́ва Тебе́, Бо́же наш, сла́ва Тебе.**

Тропарь: **Зако́н в Сина́и писа́нием вообража́я, Христе́ Бо́же,/ во
о́блаце, и огни́, и мра́це, и в ви́хре яви́лся еси́ носим:/ сла́ва си́ле
Твое́й, Го́споди.**

Припев: **Сла́ва Тебе́, Бо́же наш, сла́ва Тебе.**

Тропарь: **Да уве́риши сла́вное стро́ение тво́е, Христе́ Бо́же,/ я́ко Сый
пре́жде век и То́йже на о́блаце восхожде́ние положи́вый,/ на
Фаво́ре неизрече́нно просия́л еси́.**

Припев: **Сла́ва Тебе́, Бо́же наш, сла́ва Тебе.**

Тропарь: **Соглаго́люще, предсто́яху раболéпно Тебе́, Влады́це Христу́,/ к
ни́мже па́рою огня́ и мра́ка и то́нким хла́дом бесе́довал еси́:/ сла́ва
си́ле Твое́й, Го́споди.**

Припев: **Сла́ва Тебе́, Бо́же наш, сла́ва Тебе.**

Тропарь: **Возвеща́ху сла́вное Креста́ ра́ди Твоего́, на Фаво́р
прише́дше,/ и́же во огни́ Тя и купине́ дрéвле предви́девый
Моисе́й/ и взя́тый на колесни́це о́гненной Или́я, Христе́.**

КАНО́Н АПО́СТОЛА МАТФ́ИЯ, ГЛАС 8:

Припев: **Святы́й апо́столе Матфе́е, моли́ Бо́га о нас.**

Тропарь: **Еди́но естество́ Божества́,/ еди́но Ца́рство и госпо́дство
возвеща́я, преблаже́нне,/ язы́ков стада́ улови́л еси́. *(Два́жды)***

Припев: **Святы́й апо́столе Матфе́е, моли́ Бо́га о нас.**

Тропарь: **Наведе́ тя Госпо́дь на мо́ре жити́я, премудре́,/ я́коже коня́,
смуща́юща многобо́жия го́рькия во́ды. *(Два́жды)***

Сла́ва Отцу́ и Сы́ну и Свято́му Ду́ху.

Тропарь: **Сло́вом Божéственным обновил еси́ оляденéвшая сердца́,
сла́вне,/ все́яв благоче́стие, исти́ны позна́ние.**

И ны́не и при́сно и во ве́ки веко́в, ами́нь.

Богородичен: **Дéвства сосу́де и невместима́го естества́ селéние,/ ду́шу
мою́ просвети́,/ омраче́нную мно́гими страстьми́.**

КАТАВА́СИЯ ПРАЗДНИКА, ГЛАС 4:

Хор: **Услы́шах сла́вное смотре́ние тво́е, Христе́ Бо́же,/ я́ко**

родился еси от Девы,/ да от лести избавиши зовущия://
слава силе Твоей, Господи.

ПЕСНЬ 5:

КАНОН ВОСКРЕСНЫЙ, ГЛАС 8:

Хор:

Ирмос: Вскую мя отринул еси/ от лица Твоего, Свете Незаходимый,/ и покрыла мя есть чуждая тьма, окайнного;/ но обрати мя,/ и к свету заповедей Твоих// пути моя направи, молюся.

Припев: Слава, Господи, святому Воскресению Твоему.

Тропарь: Одеяться претерпел еси в багрянницу/ прежде страсти Твоея, Спасе, поругаемь,/ первозданного покрывая безобразное обнажение:/ и наг пригвоздился еси на Кресте плотию,// совлачая, Христе, ризу умерщвления.

Припев: Слава, Господи, святому Воскресению Твоему.

Тропарь: От персти смертных,/ Ты падшее мое паки надал еси существо, воскрес:/ и нестаряющееся, Христе устроил еси,/ явив паки якоже царский образ,// нетления жизнь блистающ.

Припев: Пресвятая Богородице, спаси нас.

Богородичен: Матернее дерзновение, еже к Сыну Твоему имущи, Всечистая,/ сродного промысления, еже о нас, не презри, молимся:// яко Тебе и Едину христиане ко Владыце очищение милостивно предлагаем.

КАНОН ПРАЗДНИКА, ГЛАС 4:

Припев: Слава Тебе, Боже наш, слава Тебе.

Тропарь: Пред лицом Твоим горы уклонятся,/ свет бо и пред ногами неботечных лучи, Христе, солнца прииде,/ зрак земли яко прияти благоволил еси.

Припев: Слава Тебе, Боже наш, слава Тебе.

Тропарь: Се Спас, -/ вопияху Моисей и Илия учеником,/ на горе святей Фаворстей оглашаемым, -/ Христос, Егоже древле провозвестихом Сущаго Бога.

Припев: **Сла́ва Тебе́, Бо́же наш, сла́ва Тебе.**

Тропарь: **Неизме́нное естество́, челове́ческому приме́ся, / обильно невеще́ственного Боже́ства́ Свет / изобнажи́в апосто́лом, неизрече́нно возсия́.**

Припев: **Сла́ва Тебе́, Бо́же наш, сла́ва Тебе.**

Тропарь: **Тя, присносу́щное сия́ние, во Оте́честей сла́ве / ученицы́ я́ко ви́девше возсия́вша, Христе́, Тебе́ вопия́ху: / во све́те твоём пу́ти на́ша напра́ви.**

КАНО́Н АПО́СТОЛА МАТФ́ИЯ, ГЛАС 8:

Припев: **Святы́й апо́столе Матфе́е, моли́ Бо́га о нас.**

Тропарь: **Я́ко многопло́дну лóзу, и́стинный тя простре́ виноград, / де́лающа грозд, пролива́юща вино́ спаси́тельное, / е́гоже пи́вше, блаже́нне, одержи́мии неразу́мием, / преле́сти пия́нство отверго́ша. *(Два́жды)***

Припев: **Святы́й апо́столе Матфе́е, моли́ Бо́га о нас.**

Тропарь: **Ученико́в двоенаде́сятых яви́лся еси́, исполня́я лик блаже́нный, / из него́же преда́тель себё отвёрг, / приобре́те го́рькое удавле́ние, на Христа́ воздви́г пя́ту, / тайновещáтелю Матфе́е чу́дне. *(Два́жды)***

Сла́ва Отцу́ и Сы́ну и Свято́му Ду́ху.

Тропарь: **Соль Боже́ственна, вве́рглся еси́, блаже́нне, в мир, Матфе́е апо́столе, / гной преле́сти очища́я сла́дкими учéнии, / отгоня́ болéзни и отъёмля́ я́звы душ и телéс, прехва́льне.**

И ны́не и при́сно и во ве́ки веко́в, ами́нь.

Богородичен: **Безо́бразных риз и дрéвняго совлече́ся умерщвлéния Ада́м, Де́во, / пречи́стым Твоём рожде́ством, Богоневéсто, / и во оде́жду свя́ту и и́стинну облече́ся, / ника́коже оскверне́ну страстьми́.**

КАТАВА́СИЯ ПРА́ЗДНИКА, ГЛАС 4:

Хор: **От све́та пресеки́й перво́ро́дный свет, / я́ко во све́те де́ла пою́т Тя, Христе́, Содéтеля, // во све́те твоём пу́ти на́ша напра́ви.**

ПЕСНЬ 6:

КАНОН ВОСКРЕСНЫЙ, ГЛАС 8:

Хор:

Ирмос: Очисти мя, Спасе,/ мно́га бо беззако́ния моя́,/ и из глубины́ зол возведи́, молю́ся:/ к Тебе́ бо возопи́х,/ и услы́ши мя, // Бо́же спасе́ния моего́.

Припев: Сла́ва, Го́споди, свято́му Воскресе́нию Твоему́.

Тропарь: Дре́вом кре́пко низложи́ мя началозло́бный:/ Ты же, Христэ́, возне́ся на Кресте́,/ крепча́е низложи́л еси́, посра́мив сегó, // па́дшаго же воскреси́л еси́.

Припев: Сла́ва, Го́споди, свято́му Воскресе́нию Твоему́.

Тропарь: Ты уще́дрил еси́ Си́она, возсия́вый от грóба,/ но́ваго вме́сто ветха́го соверши́в, я́ко Благоутро́бен, Божество́нною Твоею́ кро́вию: // и ны́не ца́рствуеши в нем во ве́ки, Христэ́.

Припев: Пресвята́я Богоро́дице, спаси́ нас.

Богородичен: Да изба́вимся от лю́тых прегреше́ний,/ мольба́ми Твои́ми, Богороди́тельнице Чи́стая,/ и да улучи́м, Пречи́стая, Божество́нное сия́ние, // из Тебе́ неизрече́нно воплоще́ннаго Сы́на Бо́жия.

КАНОН ПРАЗДНИКА, ГЛАС 4:

Припев: Сла́ва Тебе́, Бо́же наш, сла́ва Тебе.

Тропарь: Сия́ния па́че со́лнца Свет я́снейший, Спас, просия́в на Фаво́ре,/ нас просвети́л еси́. *(Дважды)*

Припев: Сла́ва Тебе́, Бо́же наш, сла́ва Тебе.

Тропарь: Возше́д на го́ру Фаво́рскую, преобрази́лся еси́, Христэ́,/ и, лествю́ всю омрачи́в, нас просвети́л еси́.

Припев: Сла́ва Тебе́, Бо́же наш, сла́ва Тебе.

Тропарь: Тя Бо́га позна́вше сла́внии апосто́ли,/ на Фаво́ре же, Христэ́, уди́вльшеся, колéна преклони́ша.

КАНОН АПОСТОЛА МАТФЕЯ, ГЛАС 8:

Припев: Святы́й апосто́ле Матфе́е, моли́ Бо́га о нас.

Тропарь: Бог был еси́ положéн, еди́нием Божество́нным

обожа́емь,/ и, перводе́лательны от Бо́га лучи́ при́йм, ве́рныя
просвети́л еси́/ и зе́млю от мглы́ идо́льския очи́стил еси́.
(Трижды)

Припев: **Святы́й апо́столе Матфе́е, моли́ Бо́га о нас.**

Тропарь: Се Тебе́ вмеща́ется, учени́ку, вся́ко прорече́ние свяще́нных
проро́к:/ самови́дец бо быв, Егóже дрéвле провозвести́ша,/
служи́телю Матфе́е, подо́бник же и апо́сто́л.

Сла́ва Отцу́ и Сы́ну и Свято́му Ду́ху.

Тропарь: Се Тебе́ вмеща́ется, учени́ку, вся́ко прорече́ние свяще́нных
проро́к:/ самови́дец бо быв, Егóже дрéвле провозвести́ша,/
служи́телю Матфе́е, подо́бник же и апо́сто́л.

И ны́не и прі́сно и во ве́ки веко́в, ами́нь.

Богородичен: Свяще́ние у́мное и неприкоснове́нно очи́сти́лище,/
све́щник злат и трапе́зу одушевле́ну,/ Хлеб носи́вшую живото́а,
Де́во, ве́рнии, Тя и́менуем.

КАТАВА́СИЯ ПРА́ЗДНИКА, ГЛАС 4:

Хор: **Внегда́ скорбе́ти ми,/ возопи́х ко Го́споду,// и услы́ша
мя Бог спасе́ния моего́.**

Хор: Го́споди, поми́луй. *Трижды*

Чтец: Сла́ва Отцу́ и Сы́ну и Свято́му Ду́ху **И** ны́не и прі́сно и во ве́ки
веко́в, ами́нь.

Хор: Ами́нь

КОНДА́К ВОСКРЕ́СНЫЙ, ГЛАС 8, ПОДО́БЕН: «ЯКО НАЧА́ТКИ...»:

Воскрес из грóба, умéршыя воздвигл еси́,/ и Ада́ма
воскреси́л еси́,/ и Е́ва лику́ет во Твоéм Воскресе́нии,/ и
ми́рстии концы́ торже́ствую́т// е́же из ме́ртвых воста́нием
Твои́м, Многоми́лостиве.

Икос:

А́дова ца́рствия плени́вый, и ме́ртвыя воскреси́вый,
Долготерпели́ве,/ жены́ мирно́сицы сре́тил еси́, вме́сто
печа́ли ра́дость принеси́й:/ и апо́столом Твои́м возвести́л еси́
победи́тельная Спа́се мой зна́мения Живода́телю,/ и тварь

просвещáеши, Человеколю́бче.// Сего́ ра́ди и ми́р сра́дуется,
е́же из ме́ртвых воста́нию Твоему́, Многоми́лостиве.

ПЕСНЬ 7:

КАНОН ВОСКРЕСНЫЙ, ГЛАС 8:

Хор:

Ирмос: **Бо́жия снизхожде́ния/ огонь устыде́ся в Вавило́не
иногда́./ Сего́ ра́ди о́троцы в пе́щи ра́дованною ного́ю,/ я́ко
во цве́тнице ликую́ще поя́ху:// благослове́н еси́, Бо́же оте́ц
на́ших.**

Припев: **Сла́ва, Го́споди, свято́му Воскресе́нию Твоему́.**

Тропарь: **Сла́вное исто́щание,/ Боже́ственное бога́тство Твоея́
нищета́, Христе́, удивля́ет а́нгелы,/ на Кресте́ зря́ция Тя
пригвожда́ема,/ за е́же спасти́ ве́рою зову́щия:// благослове́н
еси́ Бо́же оте́ц на́ших.**

Припев: **Сла́ва, Го́споди, свято́му Воскресе́нию Твоему́.**

Тропарь: **Боже́ственным Твои́м соше́ствием све́та испо́лнил еси́
преиспо́дняя,/ и тьма прогна́на бысть пре́жде гоня́щая./
Отню́дуже воскресо́ша и́же от ве́ка ю́зницы, зову́ще://
благослове́н Бог оте́ц на́ших.**

Припев: **Пресвята́я Трои́це, Бо́же наш, сла́ва Тебе́.**

Троичен: **Всем у́бо Го́спода,/ Еди́наго же еди́ному Единоро́дному
Сы́ну правосла́вно Отца́,/ богосло́вяще Тя возвещáем,/ и
Еди́наго ве́дяще от Тебе́ исходя́ща Ду́ха Пра́ваго,/
Соесте́ственна и Соприсносу́щна.**

КАНОН ПРАЗДНИКА, ГЛАС 4:

Припев: **Сла́ва Тебе́, Бо́же наш, сла́ва Тебе́.**

Тропарь: **Облиста́вшееся Све́том непристу́пным сла́вы на Фаво́рстей
горе́,/ апосто́ли Христу́ вопия́ху:/ оте́ц на́ших Бо́же,
благослове́н еси́.**

Припев: **Сла́ва Тебе́, Бо́же наш, сла́ва Тебе́.**

Тропарь: **Сия́нием Боже́ственного шу́ма, и росода́тельным о́блаком,
Христе́,/ и заре́ю твое́ю наслажда́еми, апосто́ли поя́ху:/ оте́ц**

наших Бóже, благословѣн еси́.

Припев: **Сла́ва Тебе́, Бóже наш, сла́ва Тебе.**

Тропарь: **В** неприступном Свѣте, яко ви́де Тя Петр,/ на Фаворстей горѣ облиста́вша, Христѣ, возопи́:/ о́тец наших Бóже, благословѣн еси́.

Припев: **Сла́ва Тебе́, Бóже наш, сла́ва Тебе.**

Тропарь: **С** Нача́льником жи́зни Хри́стом су́ще, де́ти Зеведеевы,/ яко испусти́ зра́ка Свет, возгремѣша:/ о́тец наших Бóже, благословѣн еси́.

КАНО́Н АПО́СТОЛА МАТФѢЯ, ГЛАС 8:

Припев: **Святы́й апо́столе Матфе́е, моли́ Бо́га о нас.**

Тропарь: **Т**ок изсуши́л еси́ прѣлести наводне́нием твоея́ Божѣственныя му́дрости/ и пото́ком пи́щи напои́л еси́ ве́рою вопи́ющия, сла́вне:/ Бóже, благословѣн еси́. *(Трижды)*

Припев: **Святы́й апо́столе Матфе́е, моли́ Бо́га о нас.**

Тропарь: **С**илою Бо́га Всесильнаго изнемо́гоша вра́жия кова́рства/ пред лицѣм твоего́, апо́столе, шѣствия/ и сокруши́шася го́ры же и хо́лми безбо́жия.

Сла́ва Отцу́ и Сы́ну и Свято́му Ду́ху.

Тропарь: **С**илою Бо́га Всесильнаго изнемо́гоша вра́жия кова́рства/ пред лицѣм твоего́, апо́столе, шѣствия/ и сокруши́шася го́ры же и хо́лми безбо́жия.

И ны́не и прѣсно и во ве́ки веко́в, ами́нь.

Богородичен: **Се,** Ю́же рече́ Дѣву Ду́хом вели́кий Иса́ия,/ во чре́ве Бо́га зача́т и ражда́ет, Емуже поѣм:/ Го́споди Бóже, благословѣн еси́.

КАТАВА́СИЯ ПРА́ЗДНИКА, ГЛАС 4:

Хор: **Авраа́мстии ино́гда в Вавило́не о́троцы/ пе́щный пла́мень попра́ша,/ пе́снями взыва́юще:// о́тец наших Бóже, благословѣн еси́.**

ПЕСНЬ 8:

КАНО́Н ВОСКРЕ́СНЫЙ, ГЛАС 8:

Хор:

Ирмос: **Седмерицею пещь халдэйский мучитель/ Богочестивым
нейстовно разжже,/ сілою же лучшею спасены сия видев,/ Творцѹ
и Избавителю вопіяше:/ ѳтроцы, благословіте,/ священницы,
воспойте,// людіе, превозносите во вся вѣки.**

Припев: **Слава, Господи, святому Воскресению Твоему.**

Тропарь: **Иисусова Божества Пребожественная сила,/ в нас боголѣпно
возсіяла есть:/ плотию бо вкуш за всех смерть крестную,/ разруши
адову крепость./ Егѳже непрестанно дѣти благословіте, священницы
воспойте,// людіе превозносите во вся вѣки.**

Припев: **Слава, Господи, святому Воскресению Твоему.**

Тропарь: **Распныйся воста, великовыйный падѣ,/ падый и
сокрушенный исправися,/ тля отвержена бысть, и нетление
процветѣ:// Жизньню бо мертвенное пожертво бысть. Дѣти
благословіте, священницы воспойте, людіе превозносите во
вся вѣки.**

Припев: **Пресвятая Троице, Бѳже наш, слава Тебѣ.**

Троицен: **Трисветлое Божество,/ Едину сияющее зарю от Единаго
Триипостаснаго Естества, Родителя Безначальна:/
Единоестественно же Слово Отцѹ, и Сцарствующаго
Единосущнаго Дѹха,/ дѣти благословіте, священницы
воспойте,// людіе превозносите во вся вѣки.**

Канѳн праздника, глас 4:

Припев: **Слава Тебѣ, Бѳже наш, слава Тебе.**

Тропарь: **Мановением вся носай, ногами Пречистыми на гору взѣде
Фаворскую Христѳс,/ на нейже паче солнечныя лучи облистѣ
лицѣм,/ иже закону старейшия и благодати показѣ поющія:/
благословіте, вся дела Господня, Господа.**

Припев: **Слава Тебѣ, Бѳже наш, слава Тебе.**

Тропарь: **Неприступною славою на горѣ явлься неизреченно
Фаворстей,/ неодолимый и незаходимый Свет, Отчее
сияние,/ тварь уяснив, человеки обожѣ, поющія:/
благословіте, вся дела Господня, Господа.**

Припев: **Сла́ва Тебе́, Бо́же наш, сла́ва Тебе.**

Тропарь: Священноле́пно стоя́ще Моисе́й же и Или́я на горé Фаво́ре,/ Божественны́я начертáние я́сно ипостáси ви́девше,/ Христá, во Отéчестей облиста́вша сла́ве, воспева́ху:/ благослови́те, вся дела́ Господ́ня, Го́спода.

Припев: **Сла́ва Тебе́, Бо́же наш, сла́ва Тебе.**

Тропарь: **И**же во зра́це Божественна́го ра́ди явлéния лице́ просла́вился иногдá Моисéово,/ Христóс же, я́ко рíзою, Свéтом и сла́вою одева́ется,/ Свéта бо самоде́телен Сый, озаря́ет пою́щия:/ благослови́те, вся дела́ Господ́ня, Го́спода.

Канóн апóстола Матф́ия, глас 8:

Припев: **Святы́й апóстоле Матф́ие, моли́ Бо́га о нас.**

Тропарь: Уста́ Бóжия быв, из гортáни восхитíл еси́ человекоубíйцы,/ íхже лю́те пожрэ́ и снeдь соде́ла своéй злобе, мýдре,/ и бáнею пакибы́тия сих привéл еси́ Го́сподеви, пою́щия непрестáнно:/ лю́дие, превозноси́те во вся вéки. *(Дважды)*

Припев: **Святы́й апóстоле Матф́ие, моли́ Бо́га о нас.**

Тропарь: Прéлести мечá, злóбы ору́жия, ору́жие быв Бóжия Сло́ва, сла́вне,/ до концá истнíл еси́ íдольския трéбы,/ столпы́ же и хра́мы Божественно́ю сýлою низложíл еси́,/ хра́мы же Трóицы соде́лал еси́, вопию́щия:/ лю́дие, превозноси́те во вся вéки. *(Дважды)*

Припев: **Благослови́м Отца́, и Сы́на, и Свята́го Дýха, Го́спода.**

Тропарь: Слове́сное яви́ся нéбо, пове́дуя Единоро́днаго сла́ву Бóжию неизглаго́ланную,/ Матф́ий всемýдрый, мо́лния благода́ти, ловeц заблýждших,/ свéщник Божественна́го светозарéния, неизречéнных тайнник,/ тогó с весéлием воспоeм согла́сно.

И ны́не и прíсно и во вéки веко́в, ами́нь.

Богородичен: Па́че естества́ зачáла еси́,/ па́че сло́ва роди́ла еси́ Сoде́теля челове́ческаго естества́,/ бывша́ Челове́ка, Отцу́ неразлúчна, Влады́чице Чíстая./ Егóже поeт вся тварь:/ óтроцы, благослови́те, священ́ницы, воспóйте,/ лю́дие, превозноси́те

во вся вѣки.

КАТАВАСІЯ, ГЛАС 4:

Хор: Хва́лим, благословѣм, покланя́емся Гóсподеви, пою́ще и превозно́сяще во вся вѣки.

В Вавило́не о́троцы,/ Божѣственною распала́еми рѣвностию,/ мучи́теля и пла́мене прещѣ́ние му́жески попра́ша/ и, посреде́ огня́ ввѣржени, ороша́еми, пояху:// благослови́те, вся дела́ Господня́, Гóспода.

ПЕСНЬ 9:

КАНОН ВОСКРЕСНЫЙ, ГЛАС 8:

Хор:

Ирмос: Ужасеся о сем Небо,/ и земли удивишася концы,/ яко Бог явися человеком плóтски,/ и чрево Твое бысть пространнейшее Небес./ Тем Тя, Богородицу,// Ангелов и человек чиновачалия величают.

Припев: Слава, Господи, святому Воскресению Твоему.

Тропарь: Божественным и Безначальным Естеством прост сый,/ сложился еси приятием плóти, в Тебе Самом Сию составив, Слово Божий,/ и пострадав яко человек, пребыл еси кроме страстей, яко Бог.// Темже Тя во Двою Существу нераздельно и неслиянно величаем.

Припев: Слава, Господи, святому Воскресению Твоему.

Тропарь: Отца по Существу Божественному,/ якоже естеством быв человек,/ рекл еси Бога Вышний, рабом низходя,/ воскрес от гроба, благодатию Отца/ земнородным полож, иже по естеству Бога же и Владыку,// с Нимже Тя вси величаем.

Припев: Пресвятая Богородице, спаси нас.

Богородичен: Явилася еси, о Дево Мати Божия,/ паче естества рождши плóтию Бога Слова,/ Егоже Отец отрыгну от сердца Своего прежде всех век, яко Благ,// Егоже ныне и телес превышша разумеем, аще и в тело облечеса.

КАНОН ПРАЗДНИКА, ГЛАС 4:

Припев: Слава Тебе, Боже наш, слава Тебе.

Тропарь: Ужасни новым светолитием внезапно ученицы освещесея, друг друга зряху,/ удивльшесея же и к земли преклоньшесея,/ Тебе, Владыке всех, поклоньшася.

Припев: Слава Тебе, Боже наш, слава Тебе.

Тропарь: Шум из облака посылашесея богогласен, известуя чудо:/ Отец бо Светов, – Сей есть Сын Мой возлюбленный, – апостолом вопияше:/ Того послушайте.

Припев: **Сла́ва Тебе́, Бо́же наш, сла́ва Тебе.**

Тропарь: **Но́вая ви́девше и пресла́вная, глас Отéческий внуши́вше,/ на Фаво́ре Словесé слуги́, изображе́ние Первообра́знаго,/ Сей есть, – вопия́ху,– Спас наш.**

Припев: **Сла́ва Тебе́, Бо́же наш, сла́ва Тебе.**

Тропарь: **Обра́зе непреме́нный Су́щаго, недви́жимо, печа́ть неизме́нна,/ Сы́не, Сло́ве, му́дросте и мы́шце, десни́це Вы́шняго, Си́ло,/ Тя воспева́ем со Отце́м же и Ду́хом.**

КАНО́Н АПО́СТОЛА МАТФ́ИЯ, ГЛАС 8:

Припев: **Святы́й апо́столе Матфе́е, моли́ Бо́га о нас.**

Тропарь: **Дру́га тя рече́ Спас, тогó служа́ща повеле́нием, блаже́нне апо́столе,/ и насле́дника Ца́рствия Своего́, в бу́дущий стра́шный день соседа́теля,/ Матфе́е премудре, двоенаде́сятих учени́к исполне́ние. *(Дважды)***

Припев: **Святы́й апо́столе Матфе́е, моли́ Бо́га о нас.**

Тропарь: **Ве́трилом, блаже́нне, Креста́ прешед волну́ющеся мо́ре жити́я,/ дости́гл еси́ ко приста́нищу поко́я и кра́йнему́ желáнию/ и, ра́дуясь, ны́не предстои́ши со апо́стольским ли́ком,/ моля́ о нас Человеколю́бца. *(Дважды)***

Сла́ва Отцу́ и Сы́ну и Свято́му Ду́ху.

Тропарь: **Све́щник вои́стинну златоза́рен,/ свети́ло Ду́ха сия́ющее, яви́ся язы́к твой,/ попада́ющ иноплеме́нная уче́ния, погаша́ющ огонь, му́дре, чужди́й,/ свет облиста́ющ во тьме неразу́мيا спя́щим.**

И ны́не и присно и во ве́ки веко́в, ами́нь.

Богородичен: **Уста́вила еси́ еди́на в жена́х кля́тву первозда́нных, Богоневéсто,/ Неопи́саннаго плóтию рóждши опису́ема,/ обнови́ла еси́ преде́лы естества́, Нескве́рная,/ разстоя́щая пёрвее пресла́вным ходата́йством Твои́м соединила еси́.**

КАТАВА́СИЯ ПРА́ЗДНИКА, ГЛАС 4:

Хор: **Рождество́ твоё нетле́нно яви́ся:/Бог из боку́ Твоео́у прóйде,/ я́ко Плотно́сец яви́ся на земли́/ и с челове́ки**

поживе́.// Тя, Богородице, тем вси велича́ем.

Хор: Го́споди, помíлуй. *Трижды*

Чтец: Сла́ва Отцу́ и Сы́ну и Свято́му Ду́ху **И** ны́не и прísно и во ве́ки веко́в, ами́нь.

Хор: Ами́нь

Хор: Достóйно есть́ я́ко воíстину блажи́ти Тя, Богородицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без истле́ния Бо́га Сло́ва ро́ждшую, су́щую Богородицу, Тя велича́ем.

Стихиры воскресные, глас 8:

Вечернюю песнь, и словесную службу,/ Тебе́, Христе́, прино́сим,/ я́ко благоволи́л еси́// помíловати нас Воскресéнием.

Го́споди, Го́споди,/ не отвéржи нас от Твоего́ лица́,// но благоволи́ помíловати нас Воскресéнием.

Ра́дуйся, Сиóне Святы́й,/ ма́ти церкве́й, Бо́жие жили́ще,/ Ты бо при́ял еси́ пе́рвый,// оставле́ние грехо́в, Воскресéнием.

Стихиры праздника, глас 2, подобен: «Егда́ от дрéва...»

Приидите, пресвётлое Христово Божественное преображе́ние/ ве́рно спрэднуем/ и, измени́вшееся ны́не изменéнием до́брым,/ совзýдем Ду́хом к вы́сокому добродетелей верху́ ученико́в Христовых:/ я́ко да с ни́ми, научи́вшееся страна́ных та́ин явлéнию,// Спа́са Го́спода сла́вим.

Ра́дуйся и весели́ся благоговéйно,/ ве́рных Честна́я Це́рковь,/ ны́не пра́зднующи сей честны́й и всесвётлый пра́здник:/ безобра́зие бо челове́ка/ всех Влады́ка, ны́не преобразу́ющийся,/ просвещает́ я́сно зарéю свётлости неизрече́нных,// па́че зарí со́лнца сия́ние испуща́юща свётло.

В сех Бог Сый и Зиждитель,/ богатством милосердия неизреченным прием зрак рабий,/ Сий омрачения Спасает ныне древняго,/ облистав лицем/ и обнажив сияние Божества во плоти Своей,/ отонудуже ужасни со страхом/ и ницы падше, ученицы// Владыце всех поклоняшася.

Стихирь ап. Матфия, глас 1, подобен: "Всехвальнии мученицы..."

Матфие апостоле,/ лик Божественный наполнил еси,/ из негоже Иуда испадэ./ И Божественными блистаниями мудрых твоих словес/ тьму отгнал еси идолонейства/ Божиею благодатию./ И ныне молюся// даровати душам нашим мир и велию милость.

Матфие апостоле,/ лик Божественный наполнил еси,/ из негоже Иуда испадэ./ И Божественными блистаниями мудрых твоих словес/ тьму отгнал еси идолонейства/ Божиею благодатию./ И ныне молюся// даровати душам нашим мир и велию милость.

Матфие блаженне,/ Едем мысленный потекл еси,/ яко река, наводняема/ Божественными водами,/ и землю напоения тайными напоил еси/ и сию плодотворно показал еси./ Темже молюся// даровати душам нашим мир и велию милость.

Матфие Богодухновенне,/ коло¹ мирское осветиша молнии учений твоих,/ всех просвещающе,/ всех наставляюще к Божественному познанию,/ приятелица Света содевающе/ прежде спящих в ночи суетства// и во тьме всякаго безбожия.

Глас 6:

Слава Отцу и Сыну и Святому Духу.

Излияся благодать во устнах твоих,/ славне апостоле Матфие,/ и был еси свейльник Церкви Христовы,/ уча словесныя овцы веровати в

Тро́ицу Еди́носущную// и во еди́но Бо́жествó.

Догмáтик, глас 8:

И ны́не и прѣсно и во ве́ки веко́в. Ами́нь.

Царь Небѣсный за человеколѹбие на землѣ явѣся,/ и с челове́ки поживѣ:/ от Дѣвы бо Чѣстыя плоть приѣмый,/ и из Неѣ прошѣдый с воспрѣятием./ Еди́н есть Сын, сугѹб естество́м,/ но не Ипостáсию./ Тѣмже совер́шенна Того́ Бо́га/ и совер́шенна Челове́ка воѣистину проповѣдающе,/ исповѣдуем Христа́ Бо́га на́шего:/ Егóже моли́, Ма́ти Безневѣстная,// помѣловатися душáм на́шим.

Святы́й Бо́же, Святы́й Крепкий, Святы́й Бессмертный, помилуй нас.

Трижды.

Слава Отцу́ и Сыну́ и Святому́ Духу, и ны́не и прѣсно и во ве́ки веко́в, аминь.

Пресвята́я Троице, помилуй нас, Госпо́ди, очисти грехи́ наша, Влады́ко, прости́ беззаконя́ наша, Святы́й, посети́ и исцели́ немо́щи наша́ имене Твоего́ ради.

Госпо́ди, помилуй. *Трижды.*

Слава Отцу́, и Сыну́, и Святому́ Духу, и ны́не и прѣсно, и во ве́ки веко́в, аминь.

Отче наш, Иже еси́ на небесех. Да святится́ Имя́ Твое, да приидет Царствие́ Твое, да будет воля́ Твоя́, яко́ на небеси́ и на земли́. Хлеб наш насущный даждь нам днесь, и остави́ нам долги́ наша, яко́же и мы оставляем должником нашим. И не введи́ нас во искушение́, но избави́ нас от лукаваго.

Старший: Госпо́ди, Иису́се Христе́, Сыне́ Божий, помилуй нас.

Чтец: Аминь.

ТРОПА́РЬ ВОСКРЕ́СНЫЙ, ГЛАС 8:

С высоты́ снизше́л еси́, Благоутро́бне,/ погребѣ́ние прия́л еси́ триднѣвное,/ да нас свободи́ши страсте́й,/ Животе́ и Воскресе́ние на́ше, Го́споди, сла́ва Тебе́!

ТРОПА́РЬ ПРЕОБРАЖѢ́НИЯ, ГЛАС 7:

Преобрази́лся еси́ на горе́, Христе́ Бо́же,/ показáвый ученико́м Твои́м сла́ву Твою́,/ яко́же можа́ху,/ да возсия́ет и

нам, грѣшным,/ Свет Твой присносущный/ молитвами Богородицы,// Светодавче, слава Тебѣ.

ТРОПАРЬ АП. МАТФІЯ, ГЛАС 3:

Апостóле святѣй Матфѣе,/ моли Мѣлостиваго Бóга,/ да прегрешѣний оставлѣние// подáст душáм нáшим.

КОНДАК ВОСКРѢСНЫЙ, ГЛАС 8, ПОДÓБЕН: «ЯКО НАЧАТКИ...»:

Воскрѣс из грóба, умѣршыя воздвѣгл есѣ,/ и Адáма воскресѣл есѣ,/ и Ёва ликúет во Твоѣм Воскресѣнии,/ и мирстѣи концѣ торжествúют// ёже из мѣртвых востáнием Твоѣм, Многомѣлостиве.

Слáва Отцú и Сýну и Святóму Дúху.

КОНДАК АПОСТОЛА МАТФІЯ, ГЛАС 4, ПОДÓБЕН, «ЯВІЛСЯ ЕСІ ДНЕСЬ...»:

Светозáрное, я́ко со́лнце, во весь мир изшѣдшее вещáние твоѣ/ просвещáет язýческую Цѣрковь благодáтию,// чудонóсче Матфѣе апóстоле.

И ныне и присно и во веки веков. Аминь.

КОНДАК ПРЕОБРАЖѢНИЯ, ГЛАС 7:

На горѣ преобразѣлся есѣ,/ и я́коже вмещáху ученицѣ Твоѣ,/ слáву Твою, Христѣ Бóже, вѣдеша,/ да егда́ Тя úзрят распина́ема,/ страдáние úбо уразумѣют вóльное,/ мѣрови же проповѣдят,// я́ко Ты есѣ воѣстинну Отчѣе сѣя́ние.

Господи, помилуй, 40.

Иже на всякое время и на всякий час, на небеси и на земли поклоняемый и славимый Христе Боже, долготерпеливе, многомилостиве, многоблагодарне, Иже праведныя любяй, и грешныя милуяй, Иже вся зовый ко спасению обещания ради будущих благ; Сам, Господи, прими и наша в час сей молитвы, и исправи живот наш к заповедем Твоим; души наша освяти, тела очисти, помышления исправи, мысли очисти, и избави нас от всякия скорби, зол и болезней; огради нас святыми Твоими Ангелы, да ополчением их соблюдаемы и наставляемы, достигнем в соединение веры, и в разум неприступныя Твоя славы, яко благословен еси во веки веков, аминь.

Господи помилуй, *трижды.*

Слава Отцу и Сыну и Святому Духу, и ныне и присно и во веки веков, аминь.

Старший: Молитвами святых отец наших, Господи, Иисусе Христе, Сыне Божий, помилуй нас.ⁱⁱ

Чтец: Аминь.

Нескверная, Неблазная, Нетленная, Пречистая, Чистая Дево, Богоневесто Владычице, Яже Бога Слова человеком преславным Твоим Рождеством соединившая, и отринувшееся естество рода нашего небесным совокупльшая, яже ненадежных едина Надеждо и боримых Помоще, готовое Заступление к Тебе притекающих, и всех христиан Прибежище: не гнушайся мене грешнаго, сквернаго, скверными помыслы, и словесы, и деяньми всего себе непотребна сотворша, и разумом лености сластей жития раба бывша. Но яко человеколюбиваго Бога Мати, человеколюбне умилосердися о мне грешнем и блуднем, и прими мое еже от скверных устен приносимое Тебе моление: и Твоего Сына, и нашего Владыку и Господа, матернее Твое дерзновение употребляючи, моли, да отверзет и мне человеколюбныя утробы Свояя благности, и презрев моя бесчисленная прегрешения, обратит мя к покаянию, и Своих заповедей делателя искусна явит мя. И предстани мне присно, яко Милостивая, и Милосердая, и Благолюбивая, в настоящем убо житии теплая Предстательнице и Помощнице, сопротивных нашествия отгоняючи, и ко спасению наставляючи мя: и во время исхода моего окаянную мою душу соблюдаючи, и темныя зраки лукавых бесов далече от нея отгоняючи; в страшный же день суда вечныя мя избавляючи муки и неизреченныя славы Твоего Сына и Бога нашего наследника мя показующи; юже и да улучу, Владычице моя, пресвятая Богородице, Твоим ходатайством и заступлением, благодатию и человеколюбием Единороднаго Сына Твоего, Господа и Бога и Спаса нашего Иисуса Христа; Емуже подобает всякая слава, честь и поклонение, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков, аминь.

*Молитва иная, ко Господу нашему Иисусу Христу, Антиоха монаха
Пандекта:*

И даждь нам, Владыко, на сон грядущим, покой тела и души, и сохрани нас от мрачнаго сна греховнаго, и от всякаго темнаго и ношнаго сладострастия. Укrotи стремления страстей, угаси разжженныя стрелы лукаваго, яже на ны льстивно движимыя. Плоти нашея востания утоли, и всякое земное и вещественное наше мудрование успи. И даруй нам, Боже, бодр ум, целомудр помысл, сердце трезвящееся, сон легок, и всякаго сатанина мечтания изменен. Возстави же нас во время молитвы утверждены

в заповедех Твоих, и память судеб Твоих в себе твердо имуща: всенощное славословие нам даруй, во еже пети и благословити и славити пречестное и великолепое имя Твое, Отца, и Сына, и Святаго Духа, ныне и присно, и во веки веков, аминь.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет тобою души наша.

Молитва иная святаго Иоанникия:

Упование мое Отец, прибежище мое Сын, покров мой Дух Святыи: Троице Святая, слава Тебе.

Слава Отцу и Сыну и Святому Духу, и ныне и присно и во веки веков, аминь.

Господи помилуй, *трижды*. Господи, благослови.

Господи Иисусе Христе Сыне Божий, молитвами Пречистыя Твоя Матере и всех святых, помилуй и спаси нас, яко Благ и Человеколюбец. **А**минь.ⁱⁱⁱ

Таже молитву: **О**слаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.

Ненавидящих и обидящих нас прости, Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Яже в мори управи. Путешествующим спутешествуй. Служащим и милующим нас грехов оставление даруй. Заповедовавших нам недостойным молиться о них помилуй по велицей Твоей милости. Помяни, Господи, братьий наших плененных и избави я от всякого обстояния. Помяни, Господи, плодоносящих и доброделяющих во святых Твоих церквах, и даждь им яже ко спасению прошения и жизнь вечную. Помяни, Господи, и нас, смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков, аминь.

Хор: Господи помилуй, *трижды*.

Старший: Молитвами святых отец наших, Господи, Иисусе Христе, Сыне Божий, помилуй нас.

Чтец: АМИНЬ.
